

ত্রিপুরা সরকার
তথ্য ও সংস্কৃতি অধিকার

স- ৪৮৬৩

ধর্মনগর, ১৩ ফেব্রুয়ারি, ২০২৪

বিপর্যয় ব্যবস্থাপনা : উত্তর ত্রিপুরা জেলায় আলোচনাচক্র

বিপর্যয় ব্যবস্থাপনা সম্পর্কিত বিষয়ে আজ উত্তর ত্রিপুরা জেলায় এক আলোচনাচক্র অনুষ্ঠিত হয়। ধর্মনগরের বিবেকানন্দ সার্ধশতবার্ষিকী ভবনে উত্তর ত্রিপুরা জেলা প্রশাসনের উদ্যোগে আয়োজিত আলোচনাসভার উদ্বোধন করেন উত্তর ত্রিপুরা জিলা পরিষদের সভাধিপতি ভবতোষ দাস। আলোচনাচক্রে উপস্থিত ছিলেন জেলাশাসক ও সমাহৃতা দেবপ্রিয় বর্ধন, এস পি ভানুপদ চক্রবর্তী, জেলা বন আধিকারিক সুমন মল্ল, অতিরিক্ত জেলাশাসক বিপ্লব দাস, বিপর্যয় ব্যবস্থাপনা স্টেট প্রজেক্ট অফিসার শরৎ কুমার দাস, ধর্মনগরের মহকুমা শাসক শ্যামজয় জমাতিয়া প্রমুখ। অনুষ্ঠানে বক্তব্য রাখতে গিয়ে জিলা পরিষদের সভাধিপতি ভবতোষ দাস বলেন, বিপর্যয় সম্পর্কে আমাদের সকলকে সচেতন থাকতে হবে। সরকারি নির্দেশিকা অনুসরণ করে ঘরবাড়ি তৈরি করতে হবে। স্বাগত বক্তব্য রাখতে গিয়ে জেলাশাসক দেবপ্রিয় বর্ধন বলেন, বিপর্যয় হলে প্রথম রেসপন্স করেন সংশ্লিষ্ট এলাকার জনগণ। তাই জনগণকে বিপর্যয় সম্পর্কে সচেতন করার লক্ষ্যেই এই সেমিনার আয়োজন করা হয়েছে। অনুষ্ঠানে বক্তব্য রাখার সময় স্টেট প্রজেক্ট অফিসার শরৎ কুমার দাস বিপর্যয় সম্পর্কে বিভিন্ন তথ্য তুলে ধরেন এবং জনগণকে সচেতন হওয়ার আহ্বান জানান। অনুষ্ঠানের দ্বিতীয় পর্বে বিভিন্ন দপ্তরের রিসোর্সপার্সন বক্তব্য রাখেন। বন্যা, ভূমিকম্প, অগ্নিকান্ড, ভূমিধূস, সাইক্লোন, বজ্রপাতা ইত্যাদি বিপর্যয় হলে কি কি করণীয় সেই সম্পর্কে আলোকপাত করা হয়। অনুষ্ঠানে জেলার বিভিন্ন বিদ্যালয়ের ছাত্রছাত্রী, আশা ও অঙ্গনওয়াড়ি কর্মী এবং বিভিন্ন দপ্তরের কর্মীগণ উপস্থিত ছিলেন।
